



**REPUBLIKA E KOSOVËS**  
REPUBLIKA KOSOVA – REPUBLIC OF KOSOVO  
**GJKATA SUPREME E KOSOVËS**  
VRHOVNI SUD KOSOVA – SUPREME COURT OF KOSOVO

---

Numri i lëndës: 2023:148389  
Datë: 30.08.2023  
Numri i dokumentit: 04631715

**C-IV-14-5684**

*Ankuesi*

**A K** Prishtinë.

**Kundër**

*E paditura*

**Agjencia Kosovare e Privatizimit**, lagja Lakërishte- rr. “Dritan Hoxha”, nr. 55, Prishtinë.

Dhoma e Posaçme e Gjykatës Supreme të Kosovës për çështjet në lidhje me Agjencinë Kosovare të Privatizimit (Dhoma e Posaçme), gjyqtarja Hajrie Shala, me 24 gusht 2023, lëshon këtë:

**A K T V E N D I M**

- HEDHET POSHTË si e pa pranueshme.**
- Nuk caktohet taksë gjyqësore.**

**Rrethanat faktike dhe procedurale**

Me 30 korrik 2014, ankuesi parashtrroi ankesë, me të cilën ka kërkuar pagat e pa paguara për shkak të ndërprerjes së marrëdhënies së punës në shumën prej 1,500 €. Së bashku me ankesën ai ka bashkëngjitur kopjen e formularit për parashtrimin e kërkesës pronësore në likuidim e dt. 29.07.2014, vërtetimin e kopjes nga origjinali nga noteri për kopjen e librezës së punës.

Më dt. 12 dhjetor 2014, ankuesi bënë pagesën e taksës gjyqësore.

Me 14 korrik 2023, gjykata lëshoi urdhër për ankuesin, me të cilin ka kërkuar që brenda 7 ditësh, ankuesi të parashtrij prova shtesë lidhur me ankesën e ushtruar, kopjen e vendimit të AL-së, kopjen e njoftimit lidhur me ndërprerjen e marrëdhënies së punës në emër të ankuesit, kopjen e listës së pagave të kërkuara. Në tentimin e parë zarfi i zbrazët është kthyer me konstatimin “i pa njohur” është tentuar përsëri me datën 04 gusht 2023, por zarfi përsëri është kthyer me konstatimin “i pa njohur”. E njëjta me Shënim Zyrtarë ka qëndruar në tabelën e shpalljes prej dt. 10.08.2023 deri 18.08.2023.

### **Arsyvetimi ligjor**

Ankesa e ankuesit hedhet poshtë si e papranueshme.

Ne bazë të nenit 2.4 dhe nenit 77.1.1.1 të Ligjit Nr.06-L-086 të Dhomës së Posaçme të Gjykatës Supreme të Kosovës për çështjet që lidhen me Agjencinë Kosovare të Privatizimit (në tekstin e mëtejme Ligji për Dhomën e Posaçme), gjykata zbaton dispozitat procedurale të këtij ligji.

Neni 74.2, i Ligjit për Dhomën e Posaçme, përcakton:

*Çdo kreditor i Ndërmarrjes i cili ka dorëzuar me kohë kërkesën në Agjenci dhe i cili cenohet nga një vendimi i Autoritetit të Likuidimit mund ta kundërshtojë vendimin e tillë, duke parashtruar një ankesë në Dhomën e Posaçme kundër Agjencisë brenda tridhjetë (30) ditëve pas pranimit të vendimit. Çdo ankesë e këtillë duhet të bazohet në pretendimin se procesi i likuidimit nuk është kryer në pajtim me Ligjin për Agjencinë Kosovare të Privatizimit. Ankesa duhet të jetë në pajtim me kërkesat e paragrafit 2. të nenit 27 të kësaj shtojce dhe të bashkëngjisë një kopje të vendimit ndaj të cilit është ngritur kundërshtimi.*

Nenet 33 dhe 35, të Ligjit për Dhomën e Posaçme, ndër të tjera rregullojnë parashtrimin e kërkesave përkatësisht ankesave dhe nisjen e procedurave në Dhomën e Posaçme. Neni 35.2 më tej përcakton se çfarë duhet të përmbaj një kërkesë apo ankesë.

Neni 36.2.2.5, i Ligjit për Dhomën e Posaçme parasheh që:

*Një kërkesë/ankesë është e pranueshme nëse:  
kërkesa/ankesa është parashtruar në pajtim me nenin 33 të kësaj shtojce dhe është në përputhje me dispozitat e nenit 35 të kësaj shtojce.*

Neni 36.2.2.6 i Ligjit për Dhomën e Posaçme parasheh që:

*Një kërkesë/ankesë është e pranueshme nëse:  
është bashkëlidhur edhe një kopje e aktit juridik kundër apo ndaj të cilit është paraqitur kërkesa/ankesa.*

Një rregullim të njëjte ishte paraparë edhe me shtojcën e Ligjit Nr.04-L-033 të Dhomës së Posaçme të Gjykatës Supreme të Kosovës për çështjet që lidhen me Agjencinë Kosovare të

Privatizimit, përkatësisht në nenin. 25, 27, 28 dhe 70.2 të të njëjtit, si ligj i cili ka qenë në fuqi ne kohën e parashtrimit të ankesës.

Në kuptim të këtyre dispozitave, gjykata vjen në përfundim se ankesa duhet të dorëzohet në gjykatë së bashku me vendimin e atakuar të Autoritetit të Likuidimit, brenda afatit 30 ditor pas pranimit të vendimit. Në këtë mënyrë, dorëzimi i vendimit të atakuar nga ankuesi është një kriter i provueshmërisë së ankesës përkatësisht mosdorëzimi i këtij vendimi nga vet ankuesi , e bën ankesën e tij të papranueshme.

Megjithatë, gjykata i ofroi edhe një mundësi ankuesit për ta plotësuar këtë kusht të pranueshmërisë, ashtu që nëpërmjet urdhërit të tij të datës 17 korrik 2023 i kërkoi, kopjen e vendimit, kopjen e njoftimit lidhur më ndërprerjen e marrëdhëniës së punës në emër të ankuesit, kopjen e listës së pagave dhe prova shtesë, brenda afatit të përcaktuar. Urdhri është tentuar ti dorëzohet ankuesit me 19 korrik 2023 dhe 04 gusht 2023, por nga ana e zyrtarit të postës është lënë “me raport” e pastaj për ankuesit është konstatuar se “ pala është e pa njohur” .”Andaj me Shënim Zyrtarë është konstatuar se urdhri është publikuar në tabelën e shpalljes prej dt. prej dt. 10.08.2023 deri 18.08.2023.

Sipas nenit 115.2 të LPK-së, “po që se adresati nuk e merr shkresën brenda afatit prej 15 ditësh supozohet se është kryer komunikimi në ditën kur në derën, përkatësisht në arkën postare është lënë njoftim “, në rastin konkret gjykata ka tentuar dy herë ta dorëzoj vërejtjen tek përfaqësuesit e ankuesit në adresën e dhënë nga vet ai ndërsa, shërbimi postar disa herë ka bërë përpjekje duke lënë edhe raporte por pa sukses, andaj nga konstatimi i zyrtarit të postës del se pala është shpërngulur dhe nuk kemi ndonjë dokument i cili e njofton gjykatën lidhur me largimin e tij nga adresa e dhënë.

Pra, meqenëse ankuesi dështoi në përmbushjen e kërkesës sipas urdhërit të gjykatës për të dorëzuar kopjen e Vendimit të kundërshtuar të Autoritetit të Likuidimit dhe provave shtesë deri në datën e marrje së vendimit, gjykata vendosi të hedh poshtë ankesën e tij si të papranueshme.

Për këtë në pajtim me nenet 36.1, 36.3 dhe 74.2 të Ligjit për Dhomën e Posaçme, Ankesa kundër vendimit të Autoritetit të Likuidimit të AKP-së, hedhet poshtë si e papranueshme.

### **Shpenzimet Gjyqësore**

Në bazë të nenit 62.5 të Ligjit për Dhomën e Posaçme, secila palë do t’i mbulojë shpenzimet e veta. Parashtruesi i kërkesës ka paguar taksën gjyqësore.

### **Këshillë juridike**

Kundër këtij aktvendimi mund të parashtrohet ankesë me shkrim në Kolegjin e Apelit të Dhomës së Posaçme brenda 15 ditëve nga pranimi i këtij aktvendimi. Ankesa duhet të dorëzohet në bazë të nenit 9.6 të Ligjit për Dhomën e Posaçme.

Gj y q t a r j a  
**Hajrie Shala**